

Մեծավոր և միջին արևելյի երկրներ և ժողովուրդներ, հ. 13,
քրդագիտություն. Երևան, 1985, 285 էջ:

Միջնադարյան հայկական աղբյուրներում կան բազմաթիվ հավաստի տեղեկություններ քուրդ ժողովրդի, նրա մշակույթի, սովորույթների, կենցաղի և այլնի մասին: Քուրդ ժողովրդի նկատմամբ հետաքրքրության շրջանակները ավելի են ընդլայնվել հետագա դարերում, մասնավորապես XIX դարում: Այս շրջանում է, որ հայ երախտավորներ՝ Խ. Աբովյանը, Ս. Եղիազարովը, Ղ. Իսահանյանը, Ե. Լալայանը, Լեոն, Հ. Մանանդյանը, Հ. Ղաղարյանը (Լաղո), Գ. Սրվանձտյանցը, Հ. Օրբելին և ուրիշները քրդագիտության այս կամ այն հարցը դարձրին հատուկ ուսումնասիրության առարկա: Եվ պատահական չէ, որ հայ քրդագիտությունը, նախահեղափոխական շրջանում ունենալով այդպիսի հարուստ ավանդույթներ, իր նոր վերելքը ապրեց սովետական շրջանում: Քրդերեն լեզվով սկսեց հրատարակվել բազմաթիվ գրականություն, հիմնադրվեց Հայաստանի կոմկուսի Կենտկոմի, Հայկական ՍՍՀ Գերագույն սովետի և Մինիստրների խորհրդի օրգան «Դյա թագա» թերթը, հայկական ռադիոն կազմակերպեց քրդերեն հաղորդումներ, ՀՍՍՀ գրողների միությանը կից ստեղծվեց քուրդ գրողների մասնաճյուղը, իսկ 1958 թ. ՀՍՍՀ ԳԱ արևելագիտության սեկտորի կազմում բացվեց քրդագիտության պրոբլեմային խումբը, որը 1971 թ., սեկտորի ինստիտուտ դառնալուց հետո, դարձավ նրա բաժիններից մեկը: Քրդագիտության բաժինը համալրվել և համալրվում է քուրդ և հայ մտավորականներով: Բաժնի գիտական հետաքրքրությունների շրջանակները ընդգրկում են քուրդ ժողովրդի պատմության, լեզվաբանության, բանահյուսության, գրականության, ազգագրության տարրեր խնդիրներ: Քրդագիտության բաժնի աշխատակիցների ջանքերով հրատարակվել են մի քանի տասնյակի հասնող գրքեր: Վերջերս լույս տեսավ «Մեր ժամոր և Դիշին Լիւնկի երկրներ և ժողովուրդներ, հ. 13. Քրդագիտություն» ժողովածուն, որը հրատարակության է ներկայացրել ՀՍՍՀ ԳԱ արևելագիտության ինստիտուտը: Փննարկվող ժողովածուն, որը մինչև այժմ հրատարակված քրդագիտական երկրորդ ժողովածուն է, պարու-

նակում է քրդագիտության տարրեր պրոբլեմներին նվիրված հետաքրքիր հոդվածներ: Այն բաղկացած է պատմություն, բանասիրություն, ազգագրություն, հրապարակում բաժիններից: Ուշագրավ է, որ բացի քրդագիտության բաժնի աշխատակիցների հոդվածներից, ժողովածուում ընդգրկված են նաև ՍՍՀ ԳԱ արևելագիտության ինստիտուտի և նրա լենինգրադյան մասնաճյուղի, ՀՍՍՀ ԳԱ արվեստի ինստիտուտի, Մաշտոցի անվան Մատենադարանի գիտաշխատողների հոդվածներն ու հաղորդումները:

Քրդական ազատագրական շարժումը վերելք է ապրում և նշանակալից դեր է խաղում Մեր ժամոր ու Միջին Արևելքի արդի իրադարձությունների մեջ: Այդ շարժման տարրեր ասպնկտներ լուսաբանվել են մասնագետների կողմից: Սակայն ցարդ նրա մի շարք պրոբլեմներ կարոտ են հանգամանալի մարքսիստական արժեքավորման: Նման խնդիրների թվին է պատկանում քրդական ազգային-ազատագրական շարժման գաղափարախոսության մասին կարևոր հարցը, որին նվիրված է պատմական գիտությունների դոկտոր Դ. Խ. Մհոյանի ընդհանրացնող հոդվածը: Քրդական հիմնական ազգային-դեմոկրատական կուսակցությունների ծրագրային փաստաթղթերի հանգամանալից վերլուծման հիման վրա հոդվածում ցույց են տրված քրդական ազգային-ազատագրական շարժման բնորոշ գծերը, շարժիչ ուժերի տեղաբաշխման մեջ տեղի ունեցած փոփոխությունները: Հատուկ հետաքրքրություն է ներկայացնում քրդական ազատագրական շարժման վրա միջազգային գործոնների ազդեցության և դրանց հետ առնչված այդ պայքարի մեթոդների և առաջադրած նպատակների կնճռոտ խնդրի լուսաբանումը:

ՍՍՀ ԳԱ արևելագիտության ինստիտուտի քրդագիտության սեկտորի գիտաշխատակից, պատմական գիտությունների թեկնածու Օ. Ի. Ժիգալինայի հոդվածը նվիրված է ազգային-դեմոկրատական շարժմանը Իրանական Քրդստանում 1960—1970-ական թթ.: Այնտեղ քննվում են այդ շարժման սակավ ուսումնասիրված հարցերը: Հեղինակը կոնկրետ ու համոզիչ փաստերով

ցույց է տալիս Իրանում 1960—1970-ական թթ. տեղի ունեցած սոցիալ-տնտեսական տեղաշարժերը և քրդական ազգային-դեմոկրատական կուսակցությունների ու կազմակերպությունների պայքարը քուրդ ժողովրդի ազգային և սոցիալական պահանջների բավարարման համար: Եվ թեև պայքարը հաջողությամբ չպսակվեց, սակայն, ինչպես ճիշտ եզրակացնում է հեղինակը, այն նպաստեց քուրդ ակտիվիստների քաղաքական գիտակցության բարձրացմանը և շահական վարչակարգի դեմ պայքարի անհրաժեշտության հույսերը ներշնչեց:

ՍՍՀՄ ԳԱ արևելագիտության ինստիտուտի գիտաշխատող, պատմական գիտությունների դոկտոր Մ. Ա. Հասարայանը «1925 թ. քրդական ապստամբությունը» հոդվածում հանգամանորեն լուսարանում է խնդրո առարկա հարցը: Ապստամբության մարտը ընթացքը, նրա շարժիչ ուժերը, վերելքն ու հետագա անհաջողությունները լուսարանված են բազմաբնույթ նյութի հիման վրա: Հիմնավորված փաստերով հեղինակը քննարկում է ապստամբության պարտության պատճառները և ընդգծում, որ ընայած իր կրած պարտությանը, այդ ապստամբությունը լուրջ հետք թողեց և կարևոր նշանակություն ունեցավ քուրդ ժողովրդի ազգային ինքնագիտակցության զարգացման գործում:

Ռուս-քրդական կապերի մի քանի հարցեր քննարկվում են պատմական գիտությունների թեկնածու Խ. Մ. Չատուկի «Ռուս-քրդական կապերի պատմությունից» հոդվածում: Հեղինակը, շրջանառության մեջ դնելով արխիվային հարուստ փաստական նյութ, լուսարանում է ռուս և քուրդ ժողովուրդների կապերի պատմությունը, որի սկիզբը դրվել էր դեռ XIX դարի սկզբին, երբ Անդրկովկասը, այսինքն Վրաստանը, Հյուսիսային Ադրբեջանը և Արևելյան Հայաստանը միացան Ռուսաստանին: Հեղինակը ցույց է տալիս, որ ռուս-քրդական կապերն ունեին առավելապես ազգական համագործակցության բնույթ Իրանի և սուլթանական Թուրքիայի դեմ մղվող պայքարում և ընդգծում, որ Ռուսաստանի սոցիալ-քաղաքական բարձր մակարդակը Թուրքիայի և Իրանի համեմատ, նպաստավոր պայմաններ ստեղծեց ռուսական կայսրության սահմաններում ապրող քրդերի զարգացման համար:

Սղերդի եզդի իշխան Շեյխ-Միրզայի կյանքն ու գործունեությունը հիմք է դարձել պատմական գիտությունների թեկնածու Զ. Զ. Զալիլի «Էջեր հայ-քրդական պատմամշակութային առնչություններին» հոդվածի համար: Հոդվածը հետաքրքրված է ընթերցվում և հանդիսանում է մանրագին պրպտումների և մեծաքանակ աղբյուրների օգտագործման արդյունք: Այստեղ գրավոր նյութերի կողքին կան հետաքրքիր բա-

նահյուսական քաղվածքներ՝ վերցված հայերեն, քրդերեն և ասորերեն բանահյուսությունից:

Պատմական գիտությունների թեկնածու Կ. Ա. Չաչանի հոդվածը նվիրված է հայ և քուրդ ժողովուրդների բարեկամական կապերի ուսումնասիրմանը: Հոդվածում հեղինակը քննարկում է հայ-քրդական մշակութային կապերը, հայ մտավորականության ու հայ մամուլի դերը քուրդ ժողովրդի պատմության և մշակութի հարցերի լուսարանման մեջ: Հեղինակը առանձնակի ուշադրություն է դարձնում Խ. Արուսյանի, Ռաֆֆու, Գր. Արծրունու և մյուսների այն արտահայտություններին, որոնք վերաբերում են քրդերենին, քուրդ ժողովրդի մշակութին, օտարերկրյա լծի դեմ մղվող ընդհանուր պայքարում քուրդ և հայ ժողովուրդների ջանքերի միավորման հարցերին:

XIX դարի առաջին կեսի քուրդ բանաստեղծների և պատմաբանների մեջ իր ուրույն տեղն ունի քուրդ առաջին կին բանաստեղծու պատմաբան Մահ Շարաֆ Խանում Քուրդիստանին՝ Մասթուրե բանաստեղծական ծածկանվամբ, որի մասին գիտական աշխարհը ցարդ անտեղյակ էր: Արդեղանում (իրանական Քրդստան) ապրած այս շնորհաշատ բանաստեղծուհու և պատմաբանի կյանքի ու ստեղծագործության հարցերն է շոշափել լենինգրադցի ճանաչված քրդագետ, պատմական գիտությունների թեկնածու Ե. Ի. Վասիլյան իր «XIX դարի առաջին կեսի քուրդ բանաստեղծուհի և պատմաբան Մահ Շարաֆ Խանում Քուրդիստանի կյանքի և ստեղծագործության մասին» հետաքրքրությամբ ընթերցվող հոդվածում: Հոդվածը, անշուշտ, շահած կլինեք, եթե այնտեղ ավելի մեծ տեղ հատկացված լիներ Մասթուրեի բանաստեղծություններից կատարված քաղվածքներին:

Ուշագրավ է պատմական գիտությունների թեկնածու Ա. Հ. Խալատրյանի Հաքթարի իշխանության կազմավորման և Հաքթարի իշխանների տոհմաբանության ու ժամանակագրության խընդհերներին նվիրված հոդվածը: Հեղինակը հայկական աղբյուրների համակողմանի քննության և արաբական պատմագրական և վիժագիր աղբյուրների մանրակրկիտ ուսումնասիրության հիմամբ վեր է հանել XIV դարում Հարավային Հայաստանի Ռշտունիք, Տոսպ, Զահուկ, Աղբակ, Անձնացիք և այլ գավառներում հաստատված Հաքթարի ցեղից (կամ Շամոյան, Շամրոյան, Շամոանից) քուրդ իշխանների կրեան գալու հանգամանքները, իշխանության կազմավորման պարագաները և պատմական պայմանները: Վիժագիր արձանագրությունների տվյալների հիման վրա հեղինակը կատարել է մի շարք ժամանակագրական ճշտումներ: Ըստ հեղինակի կարծիքի, այդ իշխանությունը կազմավորվել է ոչ թե XIX դարի 80-ական թթ., ինչպես մինչև այժմ ընդուն-

ված է, այլ ավելի վաղ, մոտավորապես XIV դարի 30-ական թթ., այսինքն իշխանության պատմությունը մոտ 50 տարով հետ է գնում: Այդ մասին է վկայում Ոստանի (Ռշտունիք) «Հալիմա հաթունի» դամբարանի մոտքի պարակալի արաբոնեն շինարարական արձանագրությունը (1335 թ.), ըստ որի 1335 թ. մալիք Իզզ ադ-դինը արդեն հաստատվել է Ոստանում: Թուլմա Մեծոփեցու վկայությամբ մալիք Իզզ ադ-դինը սեռում էր Վասպուրականի Արծրունյաց հայ թագավորական տնից՝ «Եզդին յազգէն Սենեքերիմանց»: Հեղինակը հալիմա արաբոնեն տապանագրերի հիման վրա ճշտում է քուրդ իշխան Իզզ ադ-դինի կնոջ էթնիկական պատկանելությունը և մահվան թվականը: Ըստ հեղինակի, Փաշա հաթունը եղել է ոչ թե թուրքմենուհի, ինչպես ավանդում են հայկական վկայաբանությունները, այլ քրդական Ռոժակ (Ռոշակի, Ռոշկի) ցեղից և մահացել է 1396 թ. ապրիլ ամսին: Հավանաբար, Ոստանի բարձրարվեստ դամբարանը կառուցվել է Իզզ ադ-դին իշխանի մոտ՝ Հալիմա հաթունի պատվին: Հոգվածի վերջում բերվում է հեղինակի կողմից կազմված և լրացված Հաթաբարի իշխանների նոր տոհմաժառը և ժամանակագրությունը:

Շատ կարևոր է, որ Ա. Հ. հաշտությանը շարունակի իր պրպտմանը քրդական իշխանությունների քաղաքական և սոցիալ-տնտեսական պատմությունը լուսաբանելու ասպարեզում և այդ գործի մեջ ներգրավի նորանոր հայտնի և անհայտ արաբական վիճագիր արձանագրություններն ալլալներ:

Արաբական գրավոր աղբյուրների համադրությունը հայկական և այլ աղբյուրների նյութերի հետ անշուշտ արժեքավոր և կարևոր նպաստ է բերում նաև հայագիտությանը:

Քրդերի միջնադարյան պատմությունը և դրա հետ սերտորեն կապված պորբլեմները մինչև օրս անհրաժեշտ չափով լեն ուսումնասիրվել քրդագետների կողմից: Չնայած վերջին տարիներին անհամեմատ մեծացել է արևելագետների հետաքրքրությունը քուրդ ժողովրդի պատմական անցյալի նկատմամբ, այնուամենայնիվ հրապարակի վրա եղած գործերը գեոևս հեռու են բավարար լինելուց. զա առաջին հերթին պետք է քաջատրել նրանով, որ դեռևս գիտական շրջանառության մեջ չեն մտել քրդերի մասին հարևան ժողովուրդների՝ հայերի, արաբների, ասորիների, պարսիկների և այլոց միջնադարյան սկզբնաղբյուրների նյութերը: Այդ ուղղությամբ կատարված լուրջ փորձերից է տատմական գիտությունների թեկնածու Ա. Պ. Փոլադյանի՝ «Իսլամի տարածումը քրդերի մեջ VII—X դարերում (ըստ, արաբական միջնադարյան աղբյուրների)» վերնագրով հոդվածը: Մանրազնին ուսումնասիր-

րելով IX—XV դդ. արաբալեզու պատմիչների, աշխարհագիրների և այլոց նյութերը, հեղինակը առաջին անգամ լուսաբանում է քրդագիտության կենտոտ պորբլեմներից մեկը՝ իսլամի կրոնական գաղափարախոսության ներթափանցումը քրդական իրականության մեջ, դրա տարածման առաջին փուլը: Սակավաթիվ, բայց միաժամանակ հույժ հետաքրքիր նյութերով Ա. Փոլադյանը քըննություն է առնում քրդերի միջնադարյան՝ արաբական տիրապետության ժամանակաշրջանի պատմության մի խումբ հետաքրքիր հարցեր: Հեղինակը փաստերով ցույց է տալիս, որ քրդերի մեջ իսլամի գաղափարները տարածվեցին սկսած Vll դարի 30-ական թթ., արաբական արշավանքներից հետո: Սկզբնական շրջանում նոր կրոնը տարածվում էր դանդաղ, հիմնականում բունի կերպով և հաճախ ծանր հարկատեսակներից խուսափելու հետևանքով: Սակայն իսլամի տարածման բուն պրոցեսը, ինչպես գտնում է Ա. Փոլադյանը, սկսվեց մոտավորապես IX դարում, իսկ X—XI դդ. այն կրեց մասսայական բնույթ, երբ քրդական ֆեոդալական վերնախավը, ելնելով իր քաղաքական ու տնտեսական շահերից, ինչպես նաև ազդեցության ոլորտը ընդլայնելու նպատակով անցավ իսլամի ծառայության: Հետաքրքրական են հոդվածում բերված փաստերը նախաիսլամական շրջանում քրդերի մեջ գոյություն ունեցող հավատալիքների մասին: Հիշյալ ժամանակաշրջանում քրդական իրականության մեջ գոյություն ունեին ոչ միայն հեթանոսությունը, այլև զրադաշտականությունը, քրիստոնեությունը և այլ հավատալիքներ, որոնք հետըհետև իրենց տեղը գիշեցին իսլամին:

Ժողովածուի բանահյուսության բաժինը սկզբում է բազմամաստակ քուրդ գիտնական, բանասիրական գիտությունների դոկտոր Հ. Ջընգիի՝ «Դըմ-դըմ» էպոսի հայերեն տարբերակները հոդվածով: Այնտեղ հանգամանալից քննության են առնվում արևմտահայ բանաստեղծներից գրի առնված քրդական «Դըմ-դըմ» էպոսի հայերեն տարբերակները, բացահայտվում են այդ տարբերակների առանձնահատկությունները, տրվում են նրանց տեղայնացումն ու գաղափարագեղարվեստական գծերը: Քրդական «Դըմ-դըմ» էպոսի հայերեն տարբերակների առկայությունը քուրդ-հայկական պատմամշակութային փոխադարձ կապերի ուղագրավ երևույթներից է:

ՀՍՍՀ ԳԱ արվեստի ինստիտուտի գիտաշխատակից, արվեստագիտության թեկնածու Ն. Հ. Զառարին հանդես է եկել «Քրդական երաժշտական բանագիտության մի քանի խնդիրներ» հոդվածով: Ինչպես հայտնի է, քրդական ժողովրդական երաժշտության գրառման ու մշակման հարցերով զբաղվել են նաև հայ երաժշտագետներ Ք. Կարա-Մուրզան, Կոմիտասը, Սպ. Մե-

լիքայնք, Կ. Ջաքարյանը, Ս. Դասպարյանը, որը նույնպես Հայ և քուրդ ժողովուրդների բարեկամության մասին է խոսում: Հեղինակը քննական հակիրճ վերլուծության է ենթարկում քրդական երաժշտության բնագավառում կատարված աշխատանքները և ընթերցողների ուշադրությունը հրավիրում է քրդական երաժշտական բանագիտության կարևոր խնդիրների վրա, մասնավորապես՝ երգարվեստի գեղչկական ճյուղի առավել արժեքավոր և քիչ գրաված նմուշների ու դրանց հետ առնչվող պատմությունների, լեգենդների, միաժամանակ աշուղական քաղաքային և հոգևոր ճյուղի երգերի, ինչպես նաև գործիքային երաժշտության նմուշների հայտնաբերում ու գրառում, այդ ձևագրությունների գիտական ուսումնասիրման ընթացքի ակտիվացում, գիտական բնույթի ժողովածուների ստեղծում և այլն:

Լենինգրադի ճանաչված գիտնական, բանասիրական գիտությունների դոկտոր, հանգուցյալ Ղ. Փ. Փուրդոնի «Հասուն անունները քրդերենում» հոդվածում քննության են առնվում իրանական, արաբական, թուրքական, հայկական և ռուսական ծագում ունեցող անձնանունների կիրառման ձևերը, նրանց կրած փոփոխությունները քրդերենում:

Բանասիրական գիտությունների թեկնածու Մ. Հ. Խամոյանի ծավալուն հոդվածը ներկայացնում է արդի քրդերենի դարձվածաբանական կազմի քերականական ու շարահյուսական հայեցակետերով կատարված ուսումնասիրության արդյունքները: Հեղինակին հաջողվել է բացահայտել դարձվածաբանական կազմի ներքին շերտավորման սկզբունքները, որոնք հեղինակին հիմք են տվել կառուցել քրդերենի դարձվածքների իմաստաքերականական դասակարգումն ու նրանում տեղագրել համապատասխան խոսքի մասերի հետ հարաբերակցվող դարձվածքների քերականական դասերը իրենց քերականական կարգերի ու շարահյուսական առանձնահատկությունների դրսևորումների նկարագրությամբ:

Լրիվ դերանունների կողքին էնկլիտիկ դերանունների լայն կիրառումը սորանիի, այսինքն քրդերենի հարավային բարբառի քերականական կառուցվածքի յուրահատուկ առանձնահատկություններից է: Այս պարզեմին է նվիրված լենինգրադի գիտնական, բանասիրական գիտությունների թեկնածու Ջ. Ա. Յուսուպովայի «Էնկլիտիկ դերանունները նախադասության կառուցվածքում (քրդերենի հիման վրա)» հետաքրքիր հոդվածը, որտեղ հեղինակը համակողմանի քննարկման է ենթարկում սորանիի նախադասության կառուցվածքի այն հիմնական տիպերը, որոնցում այս կամ այն ձևով առկա են էնկլիտիկ դերանունները:

«Ազգագրություն» բաժնում պատմական գիտությունների թեկնածու Մ. Խ. Դարվեյանը «Նախա-առնական ընտրության պայմաններն ու ձևերը Հայաստանի քրդերի մեջ» հոդվածում դաշտային, ազգագրական և գրավոր սկզբնաղբյուրների հիման վրա փորձ է արել տալ տոնախմբությունների, ավանդական հավաքույթների, զանազան ծիսական արարողությունների ընթացքում երիտասարդ քուրդ տղաների և աղջիկների միմյանցի մոտո ճանաչելու, ընտրություն կատարելու ձևերը: Գիտական հետաքրքրություն է ներկայացնում Բնդարուկի ինստիտուտը՝ որպես քրդական հնագույն ծիսական ավանդույթներից մեկի վերապրուկ:

Բանասիրական գիտությունների թեկնածու Գ. Ս. Ասատրյանը «Հանդերձյալ կյանքի եղբոր և քրոջ» մասին հեղինակի կրոնական հավատալիքներում» հոդվածում հատուկ ուսումնասիրության առարկա է դարձրել ցարդ քիչ հայտնի եկեղեցական «Հանդերձյալ կյանքի եղբոր և քրոջ» կրոնական ինստիտուտը: Հոդվածում քննարկվող հարցերը հետաքրքիր են նրանով, որ դրանք ավելի են ընդլայնում մեր պատկերացումը հեղինակի հավատալիքների համակարգի մասին:

«Հրապարակում» բաժնում ներկայացված է Սաշտոցի անվան Մատենադարանի դիտաշխատակից, պատմական գիտությունների դոկտոր Հ. Դ. Փափազյանի «Երևանի Մուհամադ-խան Ղաչարի՝ Միրզա աղա Միսկիին և Ահմադ-աղա Զիլանիին շնորհած հրամանագրերը (XVIII դ.)» հաղորդումը: Հեղինակը պարսկերենից հայերեն թարգմանել և հրատարակել է (Սաշտոցի անվան Մատենադարանի Արևելյան ֆոնդից) Երևանի Մուհամադ-խան Ղաչարի հիշրայի 1199 և 1200 թթ. տված երկու հրամանագրերը՝ խանության Արարատյան շրջանում բնակվող քրդական Միսկի և Զիլանի ցեղերի առաջնորդներին աղայություն շնորհելու մասին: Նման հրամանագրերի թարգմանության կարևորությունը կայանում է նրանում, որ դա հնարավորություն է տալիս ամբողջական պատկերացում կազմելու հիշյալ ժամանակաշրջանի սոցիալ-քաղաքական իրավիճակի մասին:

Ամփոփելով վերը նշվածը, հարկ ենք համարում ընդգծել, որ ժողովածուն զերծ չէ նաև թեթևություններից. նախ պետք է նշել, որ ոչ բոլոր հոդվածներն են գրված պատշաճ գիտական մակարդակով, որոշ հոդվածներ առավելապես փաստագրական բնույթ ունեն, տեղ-տեղ կան լեզվական անհարթություններ:

Այս թերությունները, սակայն, չեն նսեմացնում քննարկվող ժողովածուի արժեքը, որն ուշագրավ երևույթ է սովետական արևելագիտական գրականության մեջ:

Ս. Վ. ԳԵՂԱՄՅԱՆ